

OPĆINA CENTAR

Općinsko vijeće

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), načelnik Općine Centar Sarajevo je, 15. maja 2007. godine, verificovao i donio

ODLUKU

O KOREKCIJI IZMJENA I DOPUNA REGULACIONOG
PLANA NASELJA "ĐURO ĐAKOVIĆ"

Član 1.

Usvaja se korekcija Izmjena i dopuna Regulacionog plana naselja "ĐURO ĐAKOVIĆ" (u daljnjem tekstu: korekcija Plana), "Službene novine Grada Sarajeva", broj 18/78, 10/86, 22/90 i 3/96.

Član 2.

Granica obuhvata korekcije Plana polazi od tačke broj 1 koja se nalazi na parceli k.č. 61/14 (ulica Husrefa Redžića), a ima koordinate $y = 6533428$; $x = 4857875$, ide na sjeveroistok pomenutom ulicom u dužini od 20m i dolazi u tačku broj 2 sa koordinatama $y = 6533449$, $x = 4857834$. Granica obuhvata produžava u pravcu zapada sijekuci u pravoj liniji ulicu Alipašina k.č. 1219/1 (ne obuhvata je) i dolazi u tačku broj 3 sa koordinatama $y = 6533475$, $x = 4857774$. Granica obuhvata produžava se u pravcu zapada sijekuci u pravoj liniji ulicu Alipašina i dolazi do tromede parcela k.č. 1219/1, 415 i 61/13, nastavlja u istom pravcu idući međama parcela k.č. 415, 416, 414/1 (ne obuhvata ih) i dolazi u tačku broj 4 koja se nalazi na međi između parcela 414/1 i 414/2, a ima koordinate $y = 6533438$, $x = 4857771$, zatim ide na sjeveroistok do tačke 5 koja ima koordinate $y = 6533444$, $x = 4857777$ a koja se nalazi na parceli k.č. 414/2, lomi se idući na zapad u dužini od 2,5 m do tačke broj 6 koja se takode nalazi parceli k.č. 414/2, a ima koordinate $y = 6533442$, $x = 4857776$, granica potom produžava na sjever sijekuci parcele k.č. 414/2 i 61/3 i dolazi u tačku 7 sa koordinatama $y = 6533442$, $x = 4857786$, zatim ide na istok u dužini od 2,2 m, te sjever u dužini od 1,5 m i dolazi u tačku 8 sa koordinatama $y = 6533445$, $x = 4857787$ koja se nalazi na parceli k.č. 61/3. Granica korekcije obuhvata dalje ide na sjever te zapad granicom objekta na parceli k.č. 61/3 i dolazi u tačku 9 sa koordinatama $y = 6533437$, $x = 4857803$, zatim nastavlja na sjeverozapad sijekuci u pravoj liniji parcele k.č. 61/3 i 61/14 (ulica Husrefa Redžića) i dolazi u tačku 1, odnosno do mjesta odakle je opis granice počeo.

Sve gore navedene parcele se nalaze u K.O. Sarajevo VII, Općina Centar.

Površina obuhvata iznosi 1476 m².

Član 3.

Korekcijom Plana je stvorena mogućnost realizacije pristupnog puta za potrebe trećeg ulaza u kompleks ambasade USA. Pristup je omogućen sa sjeverne strane iz Ulice Husrefa Redžića, u ukupnoj dužini od cca 50m i širini od 3,5m.

Član 4.

Korekcija Plana sastoji se iz tekstualnog dijela i grafičkog priloga broj 2 - Izvod iz urbanističkog rješenja, M 1:500. Tekstualni dio i grafički prilog korekcije Plana su sastavni dio Izmjena i dopuna Regulacionog plana naselja "Đuro Đaković" ("Službene novine Grada Sarajeva", broj 18/78, 10/86, 22/90 i 3/96).

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo i Gradskoj upravi Grada Sarajeva.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 10-23-5515/07
15. maja 2007. godine
Sarajevo

Načelnik Općine Centar
Đževad Bećirević, s. r

Napomena:

Objavljeno na oglasnoj ploči Općine Centar 15. 5. 2007. godine.

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), načelnik Općine Centar Sarajevo, 31. maja 2007. godine, verificovao je i donio

ODLUKU

O KOREKCIJI REGULACIONOG PLANA PROSTORNE
CJELINE "BJELAVE-MEJTAŠ"

Član 1.

Utvrđuje se korekcija Regulacionog plana prostorne cjeline "Bjelave-Mejtaš" ("Službene novine Grada Sarajeva", broj 9/91), u daljnjem tekstu: korekcija Plana.

Član 2.

Korekcijom Plana zadržava se objekat Nakšibendijske tekije "Mejtaš", prizemne spratnosti, ukupne bruto građevinske površine 133 m², lociran u dvorištu postojeće džamije u Ulici Sarač Ismailova u Sarajevu, na parceli označenoj kao k.č. broj 551 K.O. Centar Sarajevo IV (novi premjer), te se utvrđuje izmjena trase planirane saobraćajnice, na dijelu raskršća, kao što je prikazano u grafičkom prilogu.

Izvršene korekcije Plana primjenjuju se i na ostalim fazama Plana.

Član 3.

Korekcija Plana sastoji se iz tekstualnog dijela i grafičkih priloga (Izvod iz Regulacionog plana prostorne cjeline "Bjelave-Mejtaš" M.1:1000 i M 1:2500), sa prikazanom saobraćajnicom i objektom, koji su predmet korekcije.

Tekstualni dio i grafički prilog korekcije Plana, sastavni su dio Regulacionog plana prostorne cjeline "Bjelave-Mejtaš" ("Službene novine Grada Sarajeva", broj 9/91).

Član 4.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a

naknadno će se objaviti u "Službenim novinama Kantona Sarajevo".

Broj 10-23-5950/07
30. maja 2007. godine
Sarajevo

Načelnik Općine Centar
Dževad Bećirević, s. r

Napomena:

Objavljeno na oglasnoj ploči Općine Centar 30. 5. 2007. godine.

Na osnovu člana 46. Zakona o prostornom uređenju ("Službene novine Kantona", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik je 24. maja 2007. godine, verifikovao i donio

ODLUKU

O KOREKCIJI REGULACIONOG PLANA "BJELAVE-MEJTAŠ "

Član 1.

Usvaja se korekcija Regulacionog plana "Bjelave - Mejtaš", ("Službene novine Grada", broj 9/91), (u daljnjem tekstu: korekcija Plana).

Član 2.

Korekcijom Plana se na postojećim objektima Njemačke ambasade, locirane uz ulice Tina Ujevića i Buka daje mogućnost proširenja horizontalnih gabarita u sklopu pripadajućih parcela, parcele označene kao k.č. 1756 i k.č. 1757/1 K.O. Sarajevo IV (novi premjer), što odgovara k.č. 16, 155, 68, 17, 115, 275, 246, 277, 282, 283, 278, 276, 279, 284, K.O. Sarajevo XLVI (stari premjer).

Spratnost dograđenog dijela objekta označenog kao "1" je P+1, a objekta označenog kao "2" je Po+P+1. Horizontalni gabariti dograđenog dijela objekta "1" su u obliku elipse prečnika (cca 16,00 x 5,00m), a objekta "2" (3,60 +21,00 m +19,40 +9,70 m), prilagođeni veličini i položaju parcele sa saobraćajnim pristupom iz ul. Buka na sjeveroistočnoj strani parcele.

Dogradnja objekta mora biti striktno izvedena prema dostavljenoj projektnoj dokumentaciji izrađenoj od strane projektne firme " Fabing" d.o.o. Sarajevo i geološkom nalazu urađenom za potrebe dogradnje, a prema grafičkim prilogima Korekcije plana .

U okviru građevinske parcele primjenjuje se normativ za saobraćaj u mirovanju: jedno parking (garažno) mjesto, na 40 m² BGP poslovnog prostora.

Izvršene Korekcije se primjenjuju i na ostalim fazama Plana.

Član 3.

Korekcija Plana se sastoji iz tekstualnog dijela i grafičkog priloga (Izvod iz Regulacionog plana "Bjelave - Mejtaš", situacionog rješenja u M-1:1000 i Idejnog rješenja dogradnje urađenog od strane projektne firme " Fabing" d.o.o.Sarajevo).

Tekstualni dio i grafički prilog korekcije Plana, su sastavni dio Regulacionog plana "Bjelave - Mejtaš" ("Službene novine Grada", broj 9/91).

Član 4.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo i Gradskoj upravi Grada Sarajeva.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a

naknadno će biti objavljena u "Službenim novinama Kantona Sarajevo.

Broj 10-23-5742/07
22. maja 2007. godine
Sarajevo

Načelnik Općine Centar
Dževad Bećirević, s. r

Napomena:

Objavljeno na oglasnoj ploči Općine Centar 24. 5. 2007. godine.

Na osnovu člana 46. Zakona o prostornom uređenju ("Službene novine Kantona", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik je 18. maja 2007. godine, verifikovao i donio

ODLUKU

O KOREKCIJI URBANISTIČKOG PROJEKTA "PODGAJ -TEKIJA"

Član 1.

Usvaja se korekcija Urbanističkog projekta "Podgaj-Tekija" ("Službene novine Grada", broj 12/98), (u daljnjem tekstu: korekcija Projekta).

Član 2.

Obuhvat Korekcije projekta čine parcele označene kao k.č.1615, 1616/1, 1616/2, 1616/3, 1616/4, 1616/5 i 1616/6 K.O. Sarajevo VIII (novi premjer), što odgovara k.č.294,156,193, 203,146,151, dio 155, dio 166 i dio 61, K.O Sarajevo CXXX (stari premjer).

Korekcijom projekta se omogućava dogradnja i promjena namjene objekta izgrađenog na parceli označenoj kao k.č.1615 i dio k.č. 1616/1 K.O. Sarajevo VIII (novi premjer), što odgovara k.č. 156 i dio k.č.193 K.O Sarajevo CXXX (stari premjer).

Objekat će služiti za potrebe stalnog smještaja konzularnog ureda Australijskog konzulata.

Primarni horizontalni i vertikalni gabariti objekta se zadržavaju sa spratnošću P+1 + M i gabaritom 10,50 x 9,00 m, a dogradnja se planira u pravcu zapada u gabaritu 5,0 x 9,0 m, i sa istom spratnošću kao postojeći objekat.

Ukupni gabarit objekta sa dogradnjom je 15,50 x 9,00 m.

Izvršene Korekcije se primjenjuju i na ostalim fazama Projekta.

Član 3.

Korekcija Projekta se sastoji iz tekstualnog dijela i grafičkog priloga (broj 5 -Urbanističko rješenje, M-1:500).

Tekstualni dio i grafički prilog korekcije Projekta, su sastavni dio Urbanističkog projekta "Podgaj-Tekija", ("Službene novine Grada ", broj 12/98).

Član 4.

Po jedan primjerak ovjerene korekcije Projekta (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo i Gradskoj upravi Grada Sarajeva.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 10-23-5611/07
18. maja 2007. godine
Sarajevo

Načelnik Općine Centar
Dževad Bećirević, s. r

Napomena:

Objavljeno na oglasnoj ploči Općine Centar 18. 5. 2007. godine.